



重修政和經史  
證類備用本草

Kitasato Memorial Medical Library





18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50



4.9

Tu-1

No. 1841

12 h.48





449.9

Ju-1

No. 1841

1944.4.8



富士川文庫

3485

重刊證類本草叙

上古聖人之御天下也既庶而富而教矣復慮民之凶札爲之醫藥以濟其大死而仁民之衛寓焉蓋自神農嘗百草始知寒涼溫熱之性君臣佐使之方而本草於是乎權輿矣周禮醫師掌養萬民之疾病以五藥療之酸以養肉其傳固有所自也歷代名醫梁若陶弘景唐右蘇恭成深探藥性各增其品自神農三百六十五種益至八百四十四種可謂備矣宋太祖仁宗俱掌命儒

臣利正補性增藥至千餘品。蜀孟祖復參以  
唐本圖經。唐慎微又益以方書證以經史。遂成  
全書。凡三十卷。成化間巡撫山東都御史原公  
得平陽善本刻之。良司其傳寢廣然模仰  
俱得平陽善本刻之。良司其傳寢廣然模仰  
既久。遂盡渙漫。至不可辨。

聖天子紀元之初。鳳梧以譏陋。兼之巡撫諮詢民  
隱。憫齊魯之醫昧於藥性。而病者橫罹於死亡。  
也通檄臬司訪舊本而重鋟之。其工梓之費。則  
取之贍金閣歲而工始告成。凡為板一千二百  
四十有奇。於是諸藥性暨圖燦然明備。如指諸

掌。將自壹方而傳之天下。固非敢私於齊魯也。  
昔孔子之所慎。齋戰疾而傳有之曰。病卧於床。委  
之庸醫。比之不慈不孝。事親者不可不知。醫范  
文正公亦掌曰。儒者不得爲宰相。則願爲名醫。  
蓋濟民之功等。示鳳梧盜齋。拊循惠不及民。  
恭遇下

聖明在上。仁覆海內。是書一出。爲醫者知。對病用  
藥之方。爲士民者知。養身事親之道。由是推之。  
以治民命。壽無窮矣。國脉而嘉靖無疆之治。豈無補於萬一哉。是舉。

也始興事者江憲使潮中其事者吳憲副山錢

憲副宏而終其事者潘憲使珍也

嘉靖癸未冬十月既望

嘉靖癸未一嘉二月本年皇百五代後相傳  
大永三年癸未也慶長八年癸卯至十年也


賜進士出身通議大夫都察院右副都御史奉

勅巡撫山東陞方廬陵靜齋陳鳴梧叙

### 重刊本草序

舊本草三卷某分上中下三品凡三百六十五種蓋炎黃時所著實不刊之書也梁陶弘景增某爲七百三十種書爲七卷唐蘇恭又增某爲八百四十四種書爲二十卷世謂之唐本草宋

開寶中詔取醫家掌用得効某凡一百三十三種附益之命李昉扈蒙等重加刊正乃有詳定重定之目蜀王昶亦嘗命其臣韓保昇等以唐本圖經參比爲書稍或增廣世謂之蜀本草他如徐才之本對陳藏器之拾遺与夫楊振之杜善方陳士良目華子寇宗更諸人遞相增附互有註釋於是刪繁性事食性衍義諸書亦多益以諸家方書及經文傳記佛書道藏凡譜明半物品功用者各附於本某之左爲書三十餘



卷名曰經文證類本草至爲明備舊有解人龐  
氏得其善本中更珍藏所有無幾後平陽張存  
惠因龐氏本附又宋東衍載增多少茶品爲之板  
行惜傳之未廣今山東梅案僉事茂君慶曇以  
御文出梅平陽購求得之於郡守胡君睿珍藏


有年適副都御史原君傑奉

命巡撫山東見而善之謀諸左右布政使雷君復葉  
君冕檢察使李君裕副使劉君敬命工重鋟諸  
梓以廣其傳都憲因提學僉事周君灝來京以  
序見屬平惟疾之所恃者醫醫之所恃者藥

或君臣佐使之不明守苦寒溫之真辦雖欲療  
人之疾其可得乎上古聖人開物成務創爲醫  
業以救天枉其功不可尚矣後世明智之士激  
心方技率先注意本草蓋以藥之性味既明斯  
於疾之治療弗誤用能成功當日垂聲後來此  
本草之書所爲有補於世也故今茲板刻旣新  
傳之必廣庶幾起死回生之術有賴焉噫都憲  
之用心仁矣哉敬爲序請首簡肯

成化四年歲次庚子冬十月旣望

資善大夫兵部尚書兼翰林學士知



制誥

經筵官 潤安商輅序

重脩證類本草序

自古人俞穴鍼石之法不大傳而後世亦鮮有得其妙者遂專用湯液丸粒理疾至於割膿剖臆刮骨續筋之神奇以爲別術所得終非神農家事雖聖哲審證以制方因言而見某故方家言盛行而神農之經不可一朝而舍也其書太抵源於神農氏自神農氏而下名本草者固非一家又有所謂唐本蜀本者迄於有宋政和闕天子審意生文乃

國本  
作圖文  
簡

命宏傷名醫詮定諸家之說爲之圖繪使人驗其草木根莖花實之微與夫玉石金土蟲魚飛走之狀以辨其葉之真贗而易知爲之類例使人別其物產風氣之殊宜君臣佐使之異用甘辛鹹苦酸之異味溫涼寒熱緩急有毒無毒之不同而易見其書始大備而加察焉行於中州者舊有解人龐氏本矣烟蕩折之餘所存無幾故人罕得憑窺今平陽張君委肺惜其寢遂踵墮乃命工刻梓實圖龐氏本仍附以卷之術義比之舊本益備而加察焉書成過余屬爲序引余謂人之所甚重者生也

衛生之資所甚急者藥也藥之考訂使無以亂  
丙誤用妄投立失者神農家書也用卷之際指掌  
斯見政如止水鑑形洪鐘荅鄉顧安所逃遁其形  
聲哉養先慈幼之家固當家置本況業醫者之  
流平然其論著自梁隋隱居唐宋以來諸人備矣  
余言其贊乎世固有無用之學無益之書余特嘉  
張君愛物之周用心之勤能爲是大有益之書以  
暨群生以圖永久非若世之市兒販夫僥倖目前  
覩覩然專夕利爲也故喜聞而樂道之君諱不惠  
予魏卿歲己酉孟秋望日貽溪麻革信之序

### 重修本草之記

此書世行久矣諸家因革不同今取證類本尤善  
者爲窠模增以寇氏衍義別本中方論多者悉爲  
補入又有本經別錄先附分條之類其數舊多差  
互今亦考正凡藥有異名者取其俗稱注之目錄  
各條下俾讀者易識如蚤休云紫何車假蘇云荆  
芥之類是也圖像失真者據所嘗見皆更寫之如  
竹分淡苦董三種食鹽古今二法之類是也字  
畫謬誤殊關利害如升斗疽痘上卡千十未末之  
類無慮千數或證以別本質以諸書悉爲釐正疑

者間之敬俟來哲仍廣其脊行以便綴緝庶歷久  
不壞其間致力極意諸所營制難以具載不敢下  
毫苟簡與舊本頗異故目之曰重修天下名賢士  
夫以舊鑒新自知矣泰和甲子下己酉冬日南至  
晦明軒謹記

政和新修經史證類備用本草序

廣雅醫經圖書館藏書

敕撰

成周六典列醫師於天官聚毒藥以共醫事蓋雖  
治道緒餘仁民愛物之意寓焉聖人有不能後也

國朝闢神農書康濟斯民嘉祐中兩命儒臣圖經  
補注訓義剖治亦已詳矣而重熙累洽文物滋盛  
士之閭見益廣視前世書猶可緝熙而賡續者蜀  
人唐慎微近以醫術稱因本草舊經衍以證類醫  
方之外旁摭經史至仙經道書下逮百家之說兼  
收並錄其義明其理博覽之者可以洞達臣因待  
燕問親奉玉音以謂此書寔可垂濟廻詔節使臣  
楊戩總工刊寫繼又命臣校正而潤色之臣仰惟  
睿聖當天慈仁在宥誕振三墳躋民壽域肇設學  
校俾革俗弊復詔天下進以奇方善術得爲聖濟

經以草天下萬世臣以匪才叨列是職兢臨淵谷而證類本草誠爲治病之總括又得以鑒而正之榮華深矣謹奉明詔欽帥官聯朝夕講究刪繁緝素務底厥理諸有援引誤謬則斷以經傳字盡鄙俚則正以字說餘或訛戾殺互繕錄之不當者又復隨筆刊正無慮數千遂完然爲成書凡六十餘萬言請自以政和新修經史證類備用本草云政和六年九月一日中衛大夫康州防禦使句當龍德宮總轄修建明堂所醫藥提舉入內醫官編類聖濟經提舉大醫學臣曹孝忠謹序

重修政和經史證類備用本草卷第一  
己酉新  
增衍義

成都 唐慎微續證類

校勘

卷一  
序例上 韓保昇曰披藥有玉石草木蟲獸而

直云本草者爲諸藥中草類最多也

舊說本草經神農所作而不經見漢書藝文志亦無錄焉平帝紀云元始五年與天下通知方術本草者在所爲駕一封軺傳遣請京師樓護傳稱護沙誦醫經本草方術數十萬言本草之名蓋見於

嘉祐補注總叙

此而英公李世勣等注引班固叙責帶内外經云  
本草石之寒溫原疾病之深淺此乃論經方之語  
而無本草之名惟梁七錄載神農本草三卷推以  
爲始斯爲失矣或疑其間所載生出郡縣有後漢  
地名者以爲似張仲景華佗輩所爲是又不然也  
淮南子云神農嘗百草之滋味一日而七十毒由  
是醫方興焉蓋上此未若文字師學相傳謂之本  
草兩漢以來名醫益衆張機華佗輩始因古學附  
以新說通爲編述本草雖是見於經錄然舊經才  
三卷藥止三百六十五種至梁陶隱居又進名醫

別錄亦三百六十五種因而注釋分爲七卷唐顯  
慶中監門衛長史蘇恭又摭其差謬表請刊定乃  
命司空英國公李世勣等與恭參考得失又增丁  
百一十四種分門部類廣爲二十卷世謂之唐本  
草國朝開寶中兩韶醫工劉翰道士馬志等相與  
撰集又取醫家嘗用有效者一百三十三種而附  
益之仍命翰林學士盧多遜李昉王祐扈蒙等重  
爲刊定乃有詳定重定之目並鏤板摹行由此醫  
者用藥遂知適從而僞蜀孟昶亦嘗命其學士韓  
保昇等以唐本圖經參比爲書稍或增廣世謂之

蜀本草今亦傳行是書自漢迄今兩千歲其間三  
經譏著所增藥六百餘種收採彌廣可謂大備而  
知醫者猶以爲傳行既久後來講求浸多參校近  
之所用頗亦漏略宜有纂錄以備顧生殿疾之用  
嘉祐二年八月有詔臣禹錫臣億臣頤臣洞等再  
加校正臣等亦旣被命遂更研覈竊謂前世醫工  
原診用藥隨效輒記遂至增多槩覈諸書浩博難  
究雖屢加刪定而去取非一或本經已載而所述  
粗略或俚俗嘗用而太醫未聞嚮非因事詳著則  
遺散多矣乃請因其疏悟更爲補注應諸家醫書

藥譜所載物品功用並從採掇惟名近迂僻類乎  
怪誕則所不取自餘經史百家雖非方解之急其  
間或有參說藥驗較然可據者亦兼收載務從該  
洽以副詔意凡名本草者非一家今以開寶重定  
本爲正其分布卷類經注雜糅間以朱墨並從舊  
例不復釐改凡補注並據諸書所說其意義與舊  
文相參者則從刪削以避重複其舊已著見而意  
有未完後書復言亦具存之欲詳而易曉仍每條  
並以朱書其端云臣等謹按某書云某事其別立  
條者則解於其末云見某書凡所引書以唐蜀二



本草爲先他書則以所著先後爲次第凡書舊名  
本草者今所引用但著其所作人名曰某人惟唐  
蜀本則曰唐本云蜀本云凡字朱墨之別所謂神  
農本經者以朱字名醫因神農舊條而有增補者  
以墨字間於朱字餘所增者皆別立條並以墨字  
凡陶隱居所進者謂之名醫別錄並以其注附於  
末凡顯慶所增者亦注其末曰唐本先附凡開寶  
所增者亦注其末曰今附凡今所增補舊經未有  
者於逐條後開列云新補凡藥舊分上中下三品  
今之新補難於詳辨但以類附見如綠礬次於礬

石山薑花次於豆蔻扶移次於水楊之類是也凡  
藥有功用本經未見而舊注已曾引據今之所增  
但涉相類更不立條並附本注之末曰續注如肺  
衣附於垣衣燕覆附於通草馬藻附於海藻之類  
是也凡蕉注出於陶氏者曰陶隱居云出於顯慶  
者曰唐本注出於開寶者曰今注其開寶考據傳  
記者別曰今按今詳又按皆以朱字別於其端凡  
藥名本經已見而功用未備今有所益者亦附於  
本注之末凡藥有今益已嘗用而諸書未見無所  
辨證者如葫蘆巴海帶之類則請從大醫衆論參

議別立爲條曰新定舊藥九百八十三種新補八十二種附於注者不預焉新定一千七種總新舊一千八十二條皆隨類粗釋推以十五凡則補注之意可見矣舊著開寶英公陶氏三序皆有義例所不可法仍載於首篇云

新舊藥合一千八十二種

三百六十種神農本經

一百八十二種名醫別錄

一百一十四種唐本先附

一百三十三種今附

一百九十四種有名未用  
八十二種新補  
一十七種新定

本草圖經序

昔神農嘗百草之滋味以採萬民之疾苦後世師祖由是本草之學興焉漢魏以來名醫相繼傳其書者則有吳普李當之藥錄陶隱居蘇恭等注解寶重定本草其言藥之良毒性之寒溫味之甘苦可謂備且詳矣然而五方物產風氣異宜各類既

多賈偽難別以廻牀當靡無以繫危亂人參古人  
猶且患之况今醫師所用皆出於市賈市賈所得  
蓋自山野之人隨時採獲無復究其所從來以此  
爲療欲其中病不亦遠乎昔唐求微中刪定本草  
之外復有圖經相輔而行圖以載其形色經以釋  
其同異而明皇御製又有天寶單方藥圖皆所以  
叙物真贊使人易知原診處方有所依據一書失  
傳且久散落殆盡雖鴻都秘府亦無其本天寶方  
書但存一卷類例粗見本末可尋宜乎聖君哲輔  
留意於蒐輯也先是詔命儒臣重校神農本草等

凡八書光祿卿直秘閣臣禹錫尚書祠部郎中秘  
閣校理臣億太常博士集賢校理臣頌殿中丞臣  
檢光祿寺丞臣保衡相次被選仍領醫官秦宗古  
朱有章等編繙累年既而補注本草成書奏御又  
詔天下郡縣圖上所產藥本用求徵故事重命編  
述臣禹錫以謂考正群書錄衆見則其功易就論  
著文字出異手則其體不一今天下所上繪事千  
名其解說物類皆據世醫之所聞見事有詳略言  
多鄙俚向非專上鑒此緣飾以文則前後不倫披  
尋難曉乃以臣頌向嘗刻意此書於是建言奏請

俾專撰述臣頌既被首則裒集衆說類聚詮次粗  
有條目其間玉石金土之名草木蟲魚之別有下  
物而雜出諸郡者有同名而形類全別者則參用  
古今之說互相發明其菱梗之細大華實之榮落  
雖與舊說相戾並兼存之崖略不備則稍援舊注  
以足成文意注又不足乃更旁引經史及方書小  
說以條悉其本原若陸英爲崩蘿花則據爾雅之  
訓以言之諸香本同則用嶺表錄異以證之之類  
是也生出郡縣則以本經爲先今時所宜次之若  
茺蔚生於朝鮮今則出於宛句奚獨生於少室今


乃來自三蜀之類是也收採時月有不同者亦兩  
存其說若赤箭本經但著採根今乃并取莖苗之  
類是也生於外夷者則據今傳聞或用書傳所載  
若玉屑玉泉今人但云玉出於于闐不究所得之  
因乃用平居海行記爲質之類是也藥有上中  
下品皆用本經爲次第其性類相近而人未的識  
或出於遠方莫能形似者但於前條附之若瀉脉  
附於枸杞琥珀附於茯苓之類是也又古方書所  
載簡而要者昔人已述其明驗今出亦常用之及  
今諸郡醫工所陳經效之藥皆并載其方用天寶

之例也。自餘書傳所無全醫又不能解則不敢以臆說淺見傳會其文故但闕而不錄又有今醫所用而舊經不載者並以類次於末卷曰日本經外類其間功用尤著與舊名附近者則次於逐條載之若通脫次於木通石蛇次於石蟹之類是也總二十卷目錄一卷撰次甫就將備親覽恭惟主上以至仁厚德函養生類一物失所則爲之惻然且謂札瘥薦臻四時代有救恤之憲無先醫術登歲屢敕近臣酬校岐黃內經重定鍼艾俞穴或鑑金揭石或鏤板聯編憫南方蠱惑之妖於是作瘡醫

善教方以賜之恩下民資用之闕於是作簡要濟衆方以示之今復廣藥譜之未備圖地產之所宜物色萬殊指掌斯見將使合和者得十全之效飲餌者無未達之疑納斯民於壽康召和氣於穹壤太平之致茲有助焉臣學不該通識預編述仰奉宸旨深愧寡聞嘉祐六年九月日朔奉卽太常博士充集賢校理新差知潁州軍州兼管內勸農及管勾開治溝洫河道事騎都尉借紫臣蘇頌謹上

開寶重定序

三墳之書神農預其一百藥既辨本草存其錄舊



經三卷世所流傳名醫別錄互爲編纂至潔正白  
先生陶景乃以別錄參其本經朱墨雜書時謂明  
白而又考彼功用爲之注釋列爲七卷南國行焉  
遠乎有唐別加叅校增築餘八百味添注爲二十  
一卷本經漏功則補之陶氏誤說則證之然而載  
歷年祀又踰四百朱字墨字無本得同舊注新注  
其文互闕非聖主撫大同之運永無彊之休其何  
以改而正之哉乃命盡考傳誤刊爲定本類例非  
況從而革焉至如筆頭灰鬼毫也而在草部今移  
附兔頭骨之下半天沟地漿皆水也亦在草部今

移附土石類之間敗鼓皮移附於獸皮胡桐溴敗  
從於木類紫鑽亦木也自玉石品而取焉伏翼實  
禽也由蟲魚部而移焉橘柚附於果實食鹽附於  
米鹽半薯乾薑同歸一說至於雞腸繁縝陸英蒴  
藿以類相似從而附之仍採陳藏器拾遺李含光  
青囊或討源於別本或傳效於醫家參而較之辨  
其臧否至如突厥白舊說死類今是本根天麻根  
解似赤箭今又全異去非取是特立新條自餘刊  
正不可悉數下採衆議定爲印板乃以白字爲神  
農所說墨字爲名醫所傳唐附今附各加點注詳

其解釋審其形性證誤而辨之者署爲今注考文記而述之者又爲今據義既刊定理亦詳明今以新舊藥合九百八十三種并目錄二十一卷廣頒天下傳而行焉

唐本序 樂部附中  
孔志約撰

蓋闡天地之大德曰生運陰陽以播物含靈之所保日命資寧育以盡年蟄穴棲巢感物之情蓋寡範金樞木逐欲之道方滋而五味或奕時昧甘辛之節木氣斯陰陽愆寒燠之宜中外交侵形神分戰飲食同豐成腸胃之清風濕候隠構手足之寒

機當不繻膚腠莫知救止漸固膏肓期於夭折  
炎暉紀物識藥石之功雲瑞名官窮診候之術草木咸得其性鬼神無所遁情剗麝割犀驅溥邪惡飛丹煉石引納清和大庇蒼生普濟黔首功侔造化恩邁裁成日用不知于今是賴岐和彭綬騰絕軌於前李華張吳振英聲於後昔秦政煨燔茲經不預求嘉喪亂斯道尚存梁陶景雅好攝生研精藥術以爲本草經者神農之所作不刊之書也惜其年代浸遠簡編殘蠹與桐雷衆記頗或踳駁興言撰緝勒成一家亦以凋零經方潤色醫業然而

時鍾鼎<sub>トコリ</sub>侍聞見闕於殊方事非僉議詮釋拘於獨學至知重建平之防已棄槐里之半夏秋採榆仁冬收雲實<sub>タマリ</sub>謬染米之黃白混荆子之牡蔓異孽囊於雞腸合由跋於鷺尾防葵狼毒妄曰同根鉤吻黃精引爲連類鉅錫莫辯橙柚不分凡此比例蓋亦多矣自時厥後以迄于今雖方技分鑑名醫繼軌更相祖述罕能釐正乃復採杜蘅於及已求忍冬於絡石捨陟釐而取荊藤退飛廉而用馬齒<sub>ゲンシ</sub>起行<sub>カク</sub>曾爲有體疾藜多殆良采慨歎既而朝議<sub>イニシヤ</sub>隸行右監明府長史騎都尉臣蘇恭據陶氏之說

達辭俗用之紀素遂表請修定深副聖懷乃詔大尉揚州都督監修國史上柱國趙國公臣無忌太中大夫行尚藥奉御臣許孝崇等二十二人與蘇恭詳撰竊以動植形生因方辨性春秋節變感氣殊功離其本土則質同而效異<sub>ハタハタ</sub>於採摘乃物是而時非名實既來寒溫多謬用之凡庶其欺已甚施之君父逆莫大焉於是上真神規下詢衆議昔頒天下營求藥物羽毛鱗介無遠不臻根莖花實有名咸萃遂乃詳探秘要博綜方術本經雖闕有<sub>レフ</sub>驗必書別錄雖存無稽必正考其同異擇其去取

鉉翰昭章定群言之得失丹青綺爛備庶物之形  
容撰本草井圖經目錄等凡成五十函卷臣瑞錫等謹按  
蜀本草序五十三卷及唐英公進本草表元勒  
成本草二十卷目錄一卷藥圖二十五卷圖經七  
卷凡五十三卷又夾公序云撰本草井圖經目錄  
等凡成五十三卷據此三者合作五十三卷又據  
李含光本草音義云正經二十卷目錄一卷又別  
立圖二十五卷目錄一卷圖經七卷凡五十函卷  
二說不同庚以網羅今古開濶耳目盡醫方之妙  
今並注之庚以網羅今古開濶耳目盡醫方之妙  
極極生靈之性命傳萬祀而無昧懸百王而不朽

梁陶隱居序

隱居先生在乎茅山巖窟之上以世納餘暇頗遊  
意方技覽本草藥性以爲盡聖人之心故撰而論

之舊說皆稱神農本經余以爲信然昔神農氏之  
王天下也畫八卦以通鬼神之情造耕種以省殺  
生之弊宣藥療疾以拯夭傷之命此三道者歷衆  
聖而滋彰文王孔子彖象辭幽贊人夫后稷伊  
尹播厥百穀惠被群生收蕡敷扁振揚輔導恩流  
含氣並歲踰三千民到于今賴之但軒轅以前文  
字未傳如六爻指垂畫象稼穡卽事成迹至於藥  
性所主當以識識相因不爾何由得聞至于桐雷  
乃著在編簡此書應與素問同類但後人多更修  
飾之爾秦皇所焚醫方卜術不預故猶得全錄而

五、或四百四十一、或三百一十九、或三品混糅、或  
熟辨錯草石、不分蟲獸無辨、且所主治互有得失。  
醫家不能備見、則識智有淺深。今輯舊綜諸經研括、  
煩省以神農本經三品合三百六十五爲主。又  
進名醫別品、亦三百六十五合七百三十種精麤。  
皆取無復遺落、分別斜條區畛、音物類兼注、詔音  
時用土地所出、及仙經道術所預、并此序錄合爲  
七卷、雖未足追踵前良、蓋亦一家撰製、吾志世之  
後可貽諸知音爾。

本草經卷上

序藥性之原本，病名之形，診題記品錄，詳覽施用。

遭漢獻遷徙晉懷奔避文籍焚燎臣禹錫等謹按  
蜀本作廢音麋

本草經卷中 玉石草

本草經卷下 蟲獸果菜米食三品

品有各本草備二十品

右三卷其中下二卷藥合七百三十種各別有目

錄並朱墨雜書并子注今大書分爲七卷  
唐本注漢書藝  
文志有黃帝內外經班固論云經方者本草石之寒溫原疾病之深淺乃班固論經方之譜而無本草之名惟梁七錄有神農本草三卷陶摺此以別錄加之爲七卷扈云三品混糅冷熱雖錯草石不分蟲獸無辨豈使草木同品蟲獸共條披覽既難圖繪非易今以序爲一卷例爲一卷玉石三品爲三卷草三品爲六卷木三品爲三卷禽獸爲一卷有魚爲一卷果爲二卷菜爲二卷采穀爲二卷有名未用爲二卷合二十一卷其十八卷中藥合八百五十種三百六十十一種本經一百八十一種別錄一百一十五種新附一百九十三種有名未用

古名字神農本草

上藥一百二十種爲君主養命以應天無毒多服久服不傷人欲輕身益氣不老延年者本上經中藥一百二十種爲臣主養性以應人無毒有毒斟酌其宜欲過病補虛羸者本中經

下藥一百二十五種爲佐使主治病以應地多毒

不可久服欲除寒熱邪氣破積聚愈疾者本下經

三品合三百六十五種法三百六十五度一度應一日以成一歲倍其數合七百三十名也

臣禹錫等謹按本草傳神農本經少朱書名醫別錄以墨書神農本草三百六十五種今此言倍其數合七百三十名是併名醫別錄副品而言也則此十節別錄之文也當作墨書矣蓋傳寫漫久朱墨錯亂之所

農之書乃後人附記之文者率以此故也。右本說如此今按上品藥性亦皆能遣疾但其勢力和原不爲倉卒之效然而歲月常服必獲大益病既愈矣命亦兼伸天道仁育故云應天一百二十種者當謂寅卯辰巳之月法萬物生榮時也中品藥性療疾之辭漸深輕身之說稍薄於服之者祛患當速而延齡爲緩人懷性情故云應人一百二十種者當謂午未申酉之月法萬物成熟時也

下品藥性專主攻擊毒烈之氣傾損中和不可常

服疾愈卽止地體收殺故云應地一百二十五種者當謂戊亥子丑之月法萬物枯藏時也兼以閏之盈數加之凡合和之體不必偏用之自隨人患者參而共行但君臣配隸依後所說若單服之者所不論爾

宣慶本

藥有君臣佐使以相宜撮合和宜用一君二臣三

佐五使又可二君三臣九佐使也

右本說如此今按用藥猶如立人之制若多君少臣多臣少佐則氣力不周也而檢仙經世俗諸方亦不必皆爾大抵養命之藥則多君養性之藥則

多臣療病之藥則多佐猶依本性所主而兼復斟酌詳用此者益當爲善又恐上品君中復各有貴賤譬加列國諸侯雖並得稱制而猶歸宗周臣佐之中亦當如此所以門冬遠志別有君臣甘草國老大黃將軍明其優劣皆不同秩自非農疎之徒孰敢詮正正應領略輕重爲其分割也

### 藥有陰陽配合

臣禹錫等謹按蜀本注云凡天地究其理並有法象故手羽之類皆生於陽而屬於天雞犬之類皆生於陰而屬於陽所以空青色木故色青而主肝丹砂色火故色赤而主心黑母朱金故色白而主肺雌黃朱土故色黃而主脾磁石法朱故色黑而主腎餘皆以此推之例可知也

### 子母兄弟

臣禹錫等謹按蜀本注云功若渝

皮爲母厚朴爲子之類是也根莖花實草石骨肉有單行者有相須者有相使者有相畏者有相惡者有相反者有相殺者凡此七情合和視之當用相須相使者良勿用相惡相反者若有毒宜制可用相畏相殺者不爾勿合用也

臣禹錫等謹按蜀本注云凡三種相須者十二種相使者九種相畏者七十八種相惡者六十種相反者十八種相殺者三十六種凡此七情合和視之

右本說如此令接其主療雖同而性理不和更以成患今檢舊方用藥亦有相惡相反者服之乃不爲害或能有制持之者猶如寇賈輔漢程周佐冥

大體既正不得以私情爲害雖爾恐不如不用今  
仙方甘草丸有防已細辛俗方玉石散用桔梗乾  
薑略舉大體如此其餘復有數十條別注在後半  
夏有毒用之必須生薑此是取其所畏以相制爾  
其相須相使者不必同類猶如和羹調食魚肉葱  
豉各有所宜共相宣發也

藥有酸鹹甘苦辛五味又有寒熱溫涼四氣又有  
毒無毒陰乾暴乾揉造時月生熟土地所出宜僞  
陳新並各有法

右本說如此又有分割秤兩輕重多少皆須甄別

若用得其宜與病相會入口必愈身安壽延若冷  
熱求更真假非類分兩違舛湯丸失度當差反劇  
以至殞命醫者意也古之所謂良醫者盡善以意  
量得其節也諺云俗無良醫枉死若半拙醫療病  
不如不齊喻如宰夫以鱗音善鼈爲董羹食之更足  
成病豈充飢之可望乎故仲景云如此死者愚醫  
殺之也

藥性有宜尤者宜散者宜冰煮者宜酒漬者宜膏  
煎者亦有一物兼宜者亦有不可入湯酒者並隨  
藥性不得違越

右本說如此又按病有宜服丸者服散者服湯者服酒者服膏煎者亦兼參用察病之源以爲其制也

欲療病先察其源先候病機五臟未虛六腑未竭血脈未亂精神未散服藥必活若病已成可得半愈病勢已過命將難全


右本說如此按今自非明醫聽聲察色至乎診脉孰能知未病之病乎且未病之人亦無肯自來故桓侯怠於皮膚之微以致骨髓之痼今非但識悟之爲難亦乃信受之弗易食公有言曰病不肯服

藥一死也信巫不信醫二死也輕身薄命不能將慎三死也夫病之所由來雖多端而皆關於邪邪者不正之因謂非本身之常理風寒暑濕饑飽勞逸皆各是邪非獨鬼氣疫癘者矣人生氣中如魚在水水濁則魚瘦氣昏則人病邪氣之傷人最爲深重經絡既受此氣傳入臟腑隨其虛實令熱結以成病病又相生故流變遂廣精神者本宅身以爲用身既受邪精神亦亂神既亂矣則鬼靈斯入鬼力漸強神守稍弱豈得不致於死乎古人譬之植物斯理當矣但病亦別有先從鬼神來者則宜

以祈禱祛之雖曰可祐猶因藥療致愈昔李子豫  
有赤丸之例是也其藥療無益者是則不可祐晉  
景公膏肓之例是也大都鬼神之害則多端疾病  
之源惟一種蓋有輕重者爾真誥中有言曰常不  
能慎事上者自致百病之本而怨咎於神靈乎當  
風卧濕反責他人於失覆皆癡人也夫慎事上者  
謂舉動之事必皆慎思若飲食慾情陰陽不節最  
為百病之本致使虛損內起風濕外侵所以共成  
其害如此者豈得關於神明乎惟當勤於藥術療  
理爾

若用毒藥療病先起如蒸粟病去即止不去信之  
不妄十之取去爲度

右本說如此按今藥中單行一兩種有毒物只如  
巴豆甘遂之輩不可便令至劑爾如經所言一物  
一毒服一丸如細麻二物一毒服二丸如大麻三  
物一毒服三丸如胡豆四物一毒服四丸如小豆  
五物一毒服五丸如大豆六物一毒服六丸如梧  
子從此至十皆如梧子以數爲丸而毒中又有輕  
重且如狼毒鉤吻豈同附子芫花輩邪凡此之類  
皆須量宜三丸如水豆四物一毒服四丸如大豆



五物一毒服丸丸加鬼屎注云謹按鬼屎大於梧子等差不類今以胡豆芥小豆大豆芥大豆替鬼屎以爲折衷

療寒以熱藥療熱以寒藥飲食不消以吐下藥鬼症蠱毒以毒藥霍腫瘡瘤以瘡藥風濕以風濕藥各隨其所宜

右本說如此又按藥性一物兼主十餘病者取其偏長爲本復應觀人之虛實補瀉男女老少苦樂榮悴鄉壤風俗並各不同諸澄療寡婦尼僧異乎妻妾此是達其性懷之所以致也

病在胃膈以上者先食後服藥病在心腹以下者

先服藥而後食病在四肢血脉者宜空服而在骨髓者宜飽滿而在夜

右本說如此按其非但藥性之多方其節適早晚復須條理今方家所云先食後食蓋此義也又有須酒服者飲服者冷服者緩服者服湯則有陳有數煮湯則有生有熟各有法用並宜審詳爾

夫大病之主有中風傷寒寒熱溫瘡中惡霍亂大腹水腫脹澼下痢大小便不通嘔逆上氣欬逆嘔吐薰疽消渴留飲癖食堅積癥瘕驚悸癲癇鬼疰喉痺齒痛耳聾目盲金瘡臤切折齶腫惡瘡痔

瘦瘠男守五勞七傷虛乏羸瘦女子帶下崩中  
血閉陰蝕蟲蛇蠱毒所傷此尤略宗兆其間變動  
較葉名宜依端續以取之

右本說如此按今藥之所主止說病之十名假令  
中風乃有數十種傷寒證候亦有二十餘條更復  
就中求其類例太體歸其始終以本性爲根宗然  
後配合證以合藥爾病之變狀不可一槩言之所  
以醫方千卷猶未盡其理春秋已前及和緩之書  
費闇而道經略載扁鵲數法其用藥猶是本草家  
意至漢淳于意及花佗等方今時有存者亦皆修  
意至漢淳于意及花佗等方今時有存者亦皆修

理藥性惟張仲景丁部最爲衆方之祖又悉依本  
草但其善診脉明氣候以意消息之爾至於剗腸  
剖膿刮骨續筋之法乃別術所得非神農家事自  
晉代已來有張苗宮泰劉德史脫蘄邵趙泉李子  
豫等一代良醫其貴勝阮德加張茂先輩迨民皇  
甫士安及江左萬洪黎謨商仲堪諸名人等並研  
精藥術宋有羊所元微胡洽秦承祖齊有尚書褚  
澄徐文伯嗣伯群從兄弟醫病亦十愈其八九凡  
此諸人各有所撰用方觀其指趣莫非本草者乎  
或時用別藥亦循其性度非相踰越范汪方百餘

卷及萬法財後其中，有細碎單行經用者或田舍試驗之法或殊域異識之術如蘿皮散血起自庖人牽牛逐水近出野老麵店蒜糞乃是下蛇之藥路邊地菘而爲金瘡所秘此蓋天地間物莫不爲天地間用觸遇則會非其主對矣願光祿亦云詮三品藥性以本草爲主道經仙方服食斷穀延年却老乃至飛丹鍊石之奇雲騰羽化之妙莫不以藥道爲先用藥之理一同本草但制御之途小異此法猶如梁肉主於濟命華夷禽獸皆共仰資其爲主理卽同其爲性靈則異爾大略所用不多遠

至二十餘物或單行數種便致大益是其服食歲月深積卽本草所云久服之效不如俗人微覺便止故能臻其所極以致遐齡豈但充體愈疾而已哉今庸醫斂瘞皆耻看本草或倚約舊方或聞人傳說或遇其所憶便攬筆疏之俄然戴面以此表奇其恩惡相反故自寡昧而藥類違僻分兩參差亦不以爲疑惑或偶爾值差則自信方驗若旬月未瘳則言病源深結了不反求諸已詳思得失虛構聲稱多納金帛非惟在顙宜責固將居幽貽譴矣其五經四部軍國禮服若詳用班越者猶可矣

止於事迹非宜爾至於湯藥一物有謬便性命及  
之千乘之君百金之長何不深思戒慎邪昔許太  
子侍藥不嘗招致君之惡季孫饋藥仲尼有未達  
之辭知其藥性之不可輕信也晉時有一才人欲  
刊正周易及諸藥方先與祖訥共論祖云辯釋經  
典縱有異同不足以傷風教至於湯藥小小不達  
便致壽夭所由則後人受弊不少何可輕以裁斷  
祖之此言可爲仁識足爲龜鏡矣按論語云人而  
無恒不可以作巫醫明此二法不可以權節委造  
所以醫不三世不服其藥九折臂者乃成良醫蓋

謂學功須深故也復患今之承籍者多恃衒名價  
亦不能精心研習實爲可惜虛傳聲美聞風競往  
自有新學證明而名稱未播貴勝以爲始習多不  
信用委命虛名諒可惜也京邑諸人皆尚聲譽不  
取實事余祖妣已來務御諱方藥本有范汪方一  
部斟酌詳用多獲其效內護家門傍及親族其有  
虛心告諳者不限貴賤皆摩踵救之凡所救活數  
百千人自余投縷宅嶺猶不忘此日夜飫味常覺  
欣欣今亦撰方三卷并效驗方五卷又補葛氏肘  
後方三卷蓋欲承嗣善業令諸子姪不敢失墜可

以輔身濟物者也

今按諸藥採造之法既並用見成非能自採不復具論其事惟合藥須解節度例之如左

按諸藥所生皆有境界秦漢以前當言列國今郡縣之名後人所改爾江東已來小小雜藥多出近道氣力性理不及本邦假令荆益不通則全用歷陽當歸錢塘三建豈得相似所療病不及往人亦當緣此故也蜀藥及北藥雖有去來亦非復精者且市人不解藥性惟問形飾上黨人參世不復售華陰細辛棄之如芥且各隨俗相競不能多

備諸疾故往往遺漏今之所存二三百種爾衆醫都不識寧惟聽市人市人又不辨究皆委採送之家採送之家博習造作真僞好惡並皆莫測所以鍾乳醋黃令白細辛水漬便道黃耆蜜蒸爲甜當歸酒酒取潤蠶蠅膠著柔枝蟬朱足令赤諸有此等皆非事實俗用既久轉以成法非復可改未如之何又依方分藥不量剥除只如遠志牡丹纔不收半地黃門冬三分耗一凡去皮除心之屬分兩皆不復相應病家惟依此用不知更秤取足又王公貴勝食藥之日悉付群下其中好藥貴石無

不竊換乃有紫石英丹砂吞出洗取一片動經十數過賣諸有此例巧偽百端雖復監檢終不能覺以此療病固難卽效如斯並是藥家之盈虛不得答醫人之淺拙也

凡採藥時月皆是建寅歲首則從漢太初後所記也其根物多以二月八月採者謂春初津潤始萌未衝枝葉勢力薄濃故也至秋枝葉乾枯津潤歸流於下今卽事驗之春寧宜早秋寧宜晚華實並葉乃各隨其成熟爾歲月亦有早晚不必都依本文也經說陰乾者謂就六甲陰中乾之又依道申

法甲子旬陰中在癸酉以藥著西地也嘗謂不必然正是不露日暴於陰影處乾之爾所以亦有云暴乾故也若垂可兩用益當爲善今按本草採藥至如鹿茸經称張乾皆悉爛令燙今少乾易習且良草木根苗陰之皆惡九月已前採者悉宜日乾十月已後採者陰乾乃好古秤惟有銖兩而無分名今則以千黍爲一銖六銖爲一分四分成一兩十六兩爲一斤雖有子穀秬黍之制從來均之已久正爾依此用之秤是也晉書始後漢末已來分一斤爲二斤一兩爲二兩耳金銀絲綿並與藥同無輕重矣古方惟有仲景而已此秤若用古稱依湯則水爲殊少故知非復秤者耳今方家所云等分者非分兩之分

謂諸藥片兩多少皆同爾先視病之大小輕重所  
須乃以意裁之凡此之類皆是丸散丸散竟依節  
度用之湯酒之中無等分也

凡散藥有云刀圭者半分方寸匕之一在如梧桐  
子大也方寸匕者作它正方一寸抄散取不落爲  
度錢五匕者今五銖錢邊五字者以抄之亦令不  
落爲度一撮者四力圭也十撮爲一勺十勺爲一  
合以藥升分之者謂藥有虛實輕重不得用斤兩  
則以升平之藥升方作上徑一寸下徑木分深八  
分內散藥勿按抑之正爾微動令平調爾今人分

藥不復用此

凡丸藥有云如細麻者卽胡麻也不必煩煩但令  
較略大小相稱爾如黍粟亦然以十六黍爲一大  
豆也如太麻子者准三細麻也如胡豆者卽今青  
斑豆是也以二大麻子准之如小豆者今赤小豆  
也粒有大小以三大麻子准之如大豆者以二小  
豆准之如梧子者以二大豆准之一寸方寸匕散蜜  
和得如梧子准十九爲度如彈丸及雞子黃者以  
廿梧子准之唐本注云方寸匕散爲丸如梧子得  
四十丸今彈丸同之四十丸今彈丸同之四十丸  
雞子黃此甚不等

凡湯酒膏藥舊方皆云咬切方決咀子與者謂細畢  
擣之如大豆又使吹去細末此於事殊不允當藥  
有易碎難碎多案少末經兩則不復均平今皆細  
切之較略令如咬咀者乃得無末而又序粒調和  
也唐本注云咬咀正謂商量斟酌之餘解皆理外  
生肅爾臣禹錫等看諸咬咀卽上文細切之義  
非商量斟酌也

凡丸散藥亦先切細暴燥乃擣之有各擣者有合  
擣者並隨方所言其潤濕藥如天門冬乾地黃輩  
皆先切暴獨擣令偏碎更出細擘暴乾若逢陰雨  
亦以微火烘切工之既燥少停冷乃擣之

凡濕藥燥皆大耗當先增分兩須得屑乃秤之爲  
正其湯酒中不須如此也

凡篩丸藥用重密絹令細於蜜丸易熟若篩散草  
藥用輕疎絹於酒中服卽不泥其石藥亦用細絹  
篩令如丸者

凡篩凡散藥畢皆更合於臼中以杵擣之數百過  
視其色理和同爲佳也

凡湯酒膏中用諸石皆細擣之如粟米亦可以葛  
布篩令調並以新綿別裹內中其雄黃朱砂輩細  
末如粉

凡煮湯欲微火令小沸其水數依方多少太略二十兩藥用水一斗煮取四升以此爲准然則利湯入人多者少水而多取汁補湯欲熟多水而少取汁好欲生少水而多取汁補湯欲熟多水而少取汁好詳視之不得全水多少用新布兩人以尺木絞之澄去渣切濁紙覆令密溫湯勿冷鎗器中有水氣於熱湯上煮今嫂亦好服湯寧令小沸熱湯下。

冷則嘔湧

凡云分再服三服者要令勢力相及并視入之強羸病之輕重以爲進退增減之不必悉依方說也

凡漬藥酒皆須細切牛絹袋盛之乃入酒密封隨

寒暑日數視其濃烈便可濾出不必待至酒盡也津可暴燥微擣更漬飲之亦可散服

凡建中腎瀝諸補湯津合兩劑加水煮喝飲之亦敵一劑新薑糞人可當依此用皆應先暴令燥

凡合膏初以苦酒漬令淹挾不用多汁密覆勿濾云脾宿者煮膏當三上三下以洩其熱勢令藥味得出上之使而沸乃下之使沸靜良久乃止寧欲小生其中又有齧白者以兩頭微焦黃爲復有白芷附子者亦令小黃色爲度豬肪皆勿令經水臘月

者臘佳絞膏亦以新布絞之若是可服之膏膏淳亦可酒蕩飲之可摩之膏東淳則宜以傳病上此蓋欲兼盡其藥力故也

凡膏中有雄黃朱砂輩皆別擣細研如麪須絞膏畢乃投中以物疾攬至于凝強勿使沈聚在下不調也有冰銀者於凝膏中研令消散胡粉亦爾凡湯酒中用大黃不須細剉作湯者先以冰浸令淹浹密覆一宿明日煮湯臨熟乃內湯中又煮兩三沸便絞出則勢力猛易得快利丸散中用大黃舊皆熬之今不須爾

凡湯中用麻黃皆先別煮兩三沸掠去其沫更益水如本數乃內餘藥不爾令人煩麻黃皆折去節令理通寸判之小草瞿麥五分判之細辛白前三分剉之丸散膏中則細剉也

凡湯中用完物皆擘破乾棗梔子桔梗之類是也，用細核物亦打破山茱萸五味子藜桺决明子之類是也細花子物至爾完用之旋復花菊花地鷄子葵子之類是也米麥豆輩亦完用之諸蟲先微炙之惟蟻蟎當中破炙之生薑射干皆薄切之芋消飴糖阿膠皆須絞湯畢內汁中更上火兩三沸

燒盡乃服之

凡用麥門冬皆微潤抽去心杏仁桃仁湯浸搘去皮巴豆打破剥去皮剗去心不爾令人悶石牽剗去毛辛夷去毛及心鬼箭削取羽皮藜蘆剔取根微炙枳實去其瓤亦炙之搘去實於罐中微熬令汗出則有勢力礮石於瓦上若鐵物中熬令沸汁盡卽止礮石皆以黃土泥包便燒燒之半日令熟而解散犀角羚羊角皆鎊刮作屑諸齒骨並炙搘碎之皂莢去皮子炙之

凡湯丸散用天雄附子烏頭烏喙側子皆燒灰

中炮令微坼剗去黑皮乃秤之惟薑附湯及膏酒中生用亦剗皮乃秤之直理破作七八片隨其大小剗除外黑尖麁令盡  
凡湯酒丸散膏中用半夏皆且完用熱湯洗去上滑以手接之皮釋隨剗去更復易湯洗令滑盡不爾戟入咽喉舊方云二十許過今六七過便足亦可煮之一兩沸一易水如此三兩過仍接洗畢便暴乾隨其大小破爲細片乃秤之以入湯若膏酒丸散皆須暴燥乃秤之  
凡丸散用阿膠皆先炙使通體沸起燥乃可擣有

不沸更炙

凡丸中用蠟皆烊少蜜中攬調以和藥若用熟艾先細碎合諸藥搗令散不可篩者別搗內散中和之

凡用蜜皆先火煎掠去其沫令色微黃則丸經久不壞掠之多少隨蜜精麤

凡丸散用巴豆去皮心膜杏仁桃仁夢寐胡麻諸有膏賦藥皆先熬黃黑別搗令如膏指機莫結視泥泥爾乃成向成散稍稍下臼中合研搗令消散仍復都以輕疎絳節度之須盡又內自中依法搗

數百杵也湯膏中用亦有熟之者雖生並搗破之凡用桂心厚朴杜仲秦皮木蘭之輩皆剉去上虛軟甲錯剉取裏有味者秤之茯苓猪苓削除黑皮牡丹巴戟夫遠志野葛等皆搗破去心紫苑洗去土皆畢乃秤之薤白葱白除青令盡荆草石南茵芋澤蘭苦剔取葉及嫩莖去大枝鬼臼黃連皆除根毛蜀椒去閉口者及目敷之

凡狼毒枳實橘皮半夏麻黃吳茱萸皆欲得陳久者良其餘須精新也

凡方云巴豆若干枚者粒有大小當先去心皮乃

秤之以一分准十六枚附子烏頭若干枚者去皮畢以半兩准一枚枳實若干枚者去穰畢以一分準一枚橘皮一分准三枚棗有大小三枚准一兩云乾薑一累者以重一兩爲正

凡方云半夏一升者洗畢秤五兩爲正蜀椒一升者三兩爲正吳茱萸一升者五兩爲正菟絲子一升九兩爲正桂圓子一升四兩爲正蛇牀子一升三兩半爲正地膚子一升四兩爲正此其不同也云某子一升者其子各有虛實輕重不可通以秤准皆取平升爲正

凡方云用桂一尺者削去皮畢重半兩爲正甘草一尺者重二兩爲正云其草一束者以重三兩爲正云一把者重二兩爲正云蜜一斤者有七合猪膏一斤者有一升二合也

右合藥分劑料理法則

臣禹鋤等謹按徐之本草對孫思邈千金方陳藏器本草拾遺序例如後

夫衆病積聚皆起於虛也虛生百病積者五臟之所積聚者六腑之所聚如斯等疾多從舊方不假增損虛而勞者其弊萬端宜應隨病增減古之善

千金无欲字

爲醫者皆自採藥審其體性所主取其時節早晚  
早則藥勢未成晚則盛勢已歇今之爲醫不自採  
藥且不委節氣早晚又不知冷熱消息分兩多少  
徒有療病之名永無必愈之效此實浮惑聊復審  
其冷熱記增損之主爾虛勞而苦頭痛復熱加枸杞  
萎蕤虛而欲吐加入參虛而不安亦加入參虛而  
多夢紛綵加龍骨虛而多熱加地黃牡礪地膚子  
甘草虛而冷加當歸芍藥乾薑虛而損加鍾乳棘  
刺旋蓉巴戟天虛而大熱加黃芩天門冬虛而多  
忘加茯神遠忘虛而驚悸不安加龍齒沙參紫石  
英小草若冷則用紫石英小草若客熱卽用沙參

龍齒不令不熱皆用之虛而口乾加麥門冬知母  
虛而吸收加胡麻覆盆子柏子仁虛而多氣兼微  
欬加五味子大棗虛而身強腰中不利加磁石杜  
仲虛而多冷加桂心吳茱萸附子烏頭虛而勞小  
便赤加黃芩虛而客熱加地骨皮白水黃耆白水  
枳實虛而小腸利加桑螵蛸龍骨雞肝腎虛而小  
腸不利加茯苓澤瀉虛而損溺白加厚朴諸藥無  
有二一歷而用之但據體性冷熱的相主對聊叙

千金作白朮

千金无損字  
漏作痢

千金夫作入

增損之一隅夫處方者宜在此

凡諸藥子仁皆去皮尖及雙仁者仍切之

凡烏梅皆去核入丸散熬之大棗擘去核

凡用麥蘖麴大豆黃卷澤蘭蕪荑蘆薈乾漆蜂房

皆微炒

凡湯中用麝香犀角鹿角羚羊角牛黃蒲黃丹砂須熟末如粉臨服內湯中攬令調和服之

凡茯苓方藥補藥須白者瀉藥惟赤者

凡石蟹皆以槌極打令碎乃入臼不尔擣不可熟

牛膝石斛等入湯酒搗碎用之

凡菟絲子燒湯淘汰去沙土乾瀝燒酒漬經一宿瀝出暴微白擣之不盡者更以酒漬經一宿瀝出暴微白擣之不盡者更以酒漬經三五日乃出更曬微乾擣之須臾悉盡極易碎

凡班貓等諸蟲皆去足翅微熬用牡蠣熬令黃

凡諸湯用酒者皆臨熟下之

凡用銀屑以水銀和成泥

凡用鍾乳等諸石以玉槌水研二日三夜漂練務

令極細

諸藥有宣通補潤輕重滋滑燥濕此十種者是藥

之大體而本經都<sup>ト</sup>不言之後人亦所未述遂令調  
合湯丸有昧於此者至如宣可去壅卽葷橘之屬  
是也通可去滯卽通草防已之屬是也補可去窮  
卽人參羊肉之屬是也洩可去閉卽華遠大黃之  
屬是也輕可去實卽麻黃葛根之屬是也重可去  
怯卽磁石鐵粉之屬是也澁可去脫卽牡蠣龍骨  
之屬是也滑可去着卽冬葵榆皮之屬是也燥可  
去燥卽桑白皮赤小豆之屬是也濕可去粘卽紫  
石英白石英之屬是也只如此體皆有所屬凡用  
藥者審而詳之則靡所遺失矣

凡五方之氣俱能損人人生其中卽隨氣受疾雖  
習成其性亦各有所資乃天生萬物以與人亦人  
窮急以致物今嶺南多毒足解毒藥之物卽金蛇  
白藥之屬是也江湖多氣足破氣之物卽薑橘吳  
茱萸之屬是也寒溫不節足療溫之藥卽柴胡麻  
黃之屬是也涼氣多風足理風之藥卽防風獨活  
之屬是也濕氣多脾足主脾之物卽魚鼈螺鰐之  
屬是也陰氣多血足主血之物卽地錦石血之屬  
是也嶺氣多瘴足主瘴之物卽常山鹽麴涪醤之  
屬是也石氣多毒足主毒之物卽犀角麝香羚羊

角之屬是也水氣多而足主病之物卽黃連黃蘖之屬是也野氣多而足主蟲之物卽薜荔荷蕷根之屬是也沙氣多而足主短狐之物卽鶲鴟鵞鵝之屬是也大略如此各隨所生中央氣交兼有諸病故醫人之療亦隨方之能若易地而居卽致乖舛矣故古方或多補養或多導洩或衆味或單行補養卽去風導洩卽去氣衆味則貴要單行乃貧下豈前賢之偏有所好或復用不遂其宜耳

○補注所引書傳

補注本草所引書傳內醫書十六家援據最多今

取撰人名氏及略述義例附于末卷庶使覽之者知所從來餘非醫家所切不復存此具列如左

開寶新詳定本草

開寶六年詔尚藥奉御劉翰道士馬志翰林醫官翟煦張素王

從蘊吳復圭王光祐陳熙遇安自良等九人詳校諸本仍取陳藏器拾遺諸書相參頗有刊正別名及增益品自馬志爲之注解仍命左司員外郎知制誥唐彙翰林學士盧多遜等判定凡二十卷御製原

續板于國子監

開寶重定本草


開寶七年詔以新定本草所釋藥類或有未允又命劉翰馬志等重詳定頗有增損仍命翰林學士李昉知制誥王祐惟蒙等重看詳凡神農所說以白字別之名醫所傳卽以墨字并

目錄共二十一卷

唐新修本草

唐司空英國公李勣等奉勅修初開寶七年詔以新定本草所釋藥類或有未允又命劉翰馬志等重詳定頗有增損仍命翰林學士李昉知制誥王祐惟蒙等重看詳凡神農所說以白字別之名醫所傳卽以墨字并

目錄共二十一卷



頤慶中監門有長史蘇恭表請修定因命大尉趙國公長孫無忌尚藥奉御許孝宗與恭等十二人重廣定爲二

十卷今謂之唐本草

蜀重廣英公本草偽蜀翰林學士韓保昇等與諸醫士取唐本草并圖經相參校更刪定稍增注釋孟昶自爲序凡十卷今謂之蜀本草

吳氏本草魏廣陵人吳普撰普華佗弟子修神農本草成四百四十一種唐經籍志尚存六卷今廣內不復有惟諸子書多見可據其說藥性寒溫五味最爲詳悉

藥總訣梁陶隱居撰論夫藥品五味寒熱之性及療疾病及採蓄時月之法凡二卷丁本題云藥像口訣不著撰人名氏文字並相類

藥性論不著撰人名氏集衆藥品類分其性味君臣主病之效凡四卷一本題曰陶隱居撰然所記藥性功伐與本草有相戾者疑非隱居所爲

### 藥對

北齊尚書令西陽王徐之才撰以衆藥名品君臣佐使性毒相反及所主疾病分類而訛

乏之凡二卷舊本草多引之爲據其言治病用藥最詳

### 食療本草

唐同州刺史孟诜撰張昇又補其不足者八十九種并舊爲一百二十七條凡

三

本草拾遺唐開元中京兆府三原縣尉陳藏器撰以神農本經雖有陶隱居集之說然遺逸尚多故別爲序例一卷拾遺六卷解綸三卷總曰本草拾遺共十卷

### 四聲本草

唐蘭陵處士蕭炳撰取本草藥名每上二字以四聲相從以便尋覓凡五卷前

三

進士王叔撲序

刪繁本草唐潤州醫博士兼節度隨軍楊衡之撰以本草諸書所載藥類頗繁難於看檢刪去其不急并有名未用之類

五卷不著年代疑開元後人

本草性事類京兆醫工杜善方撰不詳何代人作  
以諸藥制使畏惡解毒相  
反相宜者爲一類共二十卷

南海藥譜不著撰人名氏雜記南方藥所產郡縣  
及療疾之驗頗無補次似唐本入所作

凡二

卷

食性本草隋唐陪戎副尉劍州醫學助教陳士良  
撰以古有食醫之官因食養以治百病  
故取神農本經泊胸隱居蘇恭孟詫陳藏器諸  
本草關於飲食者類之附以已載食醫諸方及五  
味調養臟腑之術集賢

殿學士徐錯爲之序

日華子諸家本草國初開寶中明人撰不著姓氏  
但云日華子大嚼序集諸家本草近世所用藥各以寒溫性味花實蟲  
獸爲類其言近用功狀甚悉凡二十卷

### 林樞密重廣本草圖經序

良醫之不能以無藥愈疾猶良將不能以無兵勝  
敵也兵之形易見善用者能以其所以殺者生人  
藥之性難窮不善用者返以其所以生者殺人吁  
可畏哉寒熱溫涼辛甘緩急品類萬殊非二三日而  
七十毒者孰能辨之彼玉函金匱用後囊中十金  
之所傳外臺之所秘其爲方不知其幾尙由是言  
之則非獨察脉用方之爲難而辨藥最其難者金  
石之珍草木之性飛潛動植之廣且衆也風氣不  
同南北不通或非中國之所有或人力之所不可  
到乃欲真僞無逃於指掌之間則本草圖經二者

何可須臾離也。此所傳曰：神農氏本草三卷，梁陶隱居離以爲七，唐蘇恭李勣之徒又附益爲二十卷，別圖藥形以爲經。其書略備矣。開寶中，太祖皇帝命盧多遜等考驗得失，增纂尤多，號爲開寶本草。仁宗皇帝嘉祐初，又使掌禹錫林億蘇頌張洞爲之補注。因唐圖經別爲繪畫，復增藥至千有餘種。於是收拾遺逸，訂正訛謬，刊在有司布之天下。其爲壽養生人之術，無一不具。然此之醫者，置故宋而後，妄意穿鑿，操數湯劑，華而數中，自謂足以應無窮之病。詰其論說，則漠然不知顧本草與圖經。

殆虛文耳。况偏州下邑，雖有願覓者，何所售之？閻中陳氏子承，少好學，尤喜於醫。該通諸家之說，嘗患二書傳者，不博而學者不兼有也。乃合爲一，又附以下古今論說，與已所見聞，列爲二十三卷。名曰重廣補註神農本草，并圖經。畫著其說，圖見其形。一啓帙而兩得之，不待至乎？殊方絕域，山巔水涯，而品類萬殊者，森在目前。疎夫談輿地者，觀於職方，閱載具者，之入武庫也。承之先世爲將相，歐陽子所謂四壯六公者，承其曾孫少孤，奉其母江淮間，閉門蔬食，以爲養君子稱。其孝間有奇疾，衆醫

聘胎不知所出承徐察其脉曰當投其刺某刻良  
愈無不然者然則承之學雖出於圖書而精識超  
絕茲二者又安能域之哉鬼臾區岐伯遠矣吾不  
得而知也其視秦越人淳于倉公華他輩爲何如  
識者當能知之元祐七年四月朔左朝請大夫充  
天章閣待制知杭州軍州事兼管內勸農事充兩  
浙西路兵馬鈐轄兼提舉本路兵馬巡檢公事上  
輕車都尉賜紫金魚袋長樂林希序

雷公炮炙論序

若夫世人使藥豈知自有君臣既辨君臣寧分相

制紙如秋毛今鹽也雷鶴立銷班腫之毒象膽揮黏  
乃知藥有情異鮭魚挿樹立便乾枯用狗金之以  
膽淮之捕魚更立如故也却當榮盛無名無名異形似玉柳  
遂截指而似去甲毛聖石閉盲明目而如雲離日  
當歸止血破血頭尾効各不同尾破血瘀子熟生  
足睡不眠立據弊葦淡鹵常使者腹中如酒霑交  
今蜜松敷枝又云交加枝鐵遇神砂如泥似粉石經鶴糞化作  
塵飛枝見橘花似髓斷絃折劍遇齧血而如初齧  
血煉作膠粘折處鐵物永不斷海竭江枯投游波是也而立泛令  
金炬火須仗修天今舉爲大如要形堅宜忘紫背紫

背天葵如常食莧菜承  
是揩紫面青能堅鉢形留砒住鼎全賴宗心宗以  
草今孚石竹不是食者必恐誤其草出欽州生處多蟲獸唯得芹花其草名爲  
如芍藥花色青可長三尺已來葉止立其形  
黃班色朱苦澀堪用者雖黃立住火立便成硝  
遇赤蘋其草名赤蘋全呼爲虎蘋  
是用蒸硝砂卽生火驗水留金鼎永中  
生火非猾髓而莫能油海中有一獸名曰猾以髓入在  
可救之用酒噴之長齒生牙賴雄鼠之骨末其齒  
卽成勿於屋下取雄鼠脊骨半夏而立  
年多不生者取雄鼠脊骨半夏而立  
作未揩折處齒立生姪故揩眉墮落金半夏而立  
生健之取健套斐落處立生目辟眼瞼有五花而  
自正唯須使五葉者作未酒浸飲之其目瞼者正  
五加皮是也其葉有雄唯三葉爲雄五葉爲  
脚生肉核根繫宕根脚有肉狀者取蕡苦根於  
脚生肉核根繫宕根脚有肉狀者取蕡苦根於

跛旋多夜煎竹木多小便者夜煎草薢一  
件服之永不夜起也體寒腹  
大全賴鷗鷗若患腹大如鼓米飲調  
天雄炮過以酒調油飲調服之立絕  
調瓜子去油飲調服之立絕血泛經過飲  
一錢匕服立定也遍體癥風冷調生側者日側子  
依未冷酒服立定也腸虛瀉須假草零搗五倍子作未  
石一千味於乳鉢中研作粉同鑊子酒服神效也  
久渴人煩宜投竹瀝除癥去塊全仗硝硝即  
飲酒少者煎逆水蘆菔根并厚朴二味湯服  
味作未以黃精汁九服之可主馬色延年精蒸神錦  
力倦常在也出乾寧記室蒸七日了以木蜜丸服顏貌可如幼女之容色也

知瘡所在口點陰膠陰膠卽是瓶中氣始少許於中卽知臍脇所起直徹至足可醫也產後肌浮甘皮酒服產後肌浮酒舌拆立愈黃蘇口瘡舌拆火根黃金投硝未頭痛者以硝石作心痛欲死速覓延胡以胡索依散酒服之立愈也如斯百種是藥之功某忝遇明時謬看醫理雖尋聖法難可窮微略陳藥餌之功能豈潤仙人之要術其制藥炮熬煮炙不船記年月哉欲審元由須看海集某不量短見直錄炮熬煮炙列藥制方分爲上中下三卷有三百件名具陳于後

凡方云九如細麻子許者取重四兩鯉魚目比之

云如大麻子許者取重六兩鯉魚目比之

云如小豆許者取重八兩鯉魚目比之

云如大豆許者取重十兩鯉魚目比之

云如梧桐子許者取重十四兩鯉魚目比之

云如彈子許者取重十六兩鯉魚目比之

一十五箇白珠爲隼是一彈九也

凡方中云以水一鑑至二鑑至十鑑者每鑑秤

之重十二兩爲度

凡云一兩一分一銖者正用今絲綿秤也勿得  
將四銖爲一分有誤必所損兼傷藥力也

凡云散只作散九尺作丸或酒煮或用醋或乳

煎一如法則

凡方煉蜜每斤我煉得十二兩半或一斤是  
數若火少若火過並用不得也

凡膏煎中用脂先須煉去革膜了方可用也

凡修事諸藥物等丁一並須專心勿令交雜或  
先熬後煮或先煮後熬不得改移一依法

則也

凡修合丸藥用蜜紙用蜜用餳止用餳用糖紙  
用糖勿交雜用必宜瀉入也

重修政和經史證類備用本草卷第一

新添本草衍義序

通直郎添差充收買藥材所辦驗藥材慈宗更編撰


序例上

衍義總序

天地以生成爲德有生所甚重者身也身以安樂  
爲本安樂所可致者以保養爲本此之人必本其

本則本必固。本既固，疾病何由而生？未橫，何由而至此攝生之道無逮於此？夫草木無知，猶假灌漑，矧人爲萬物之靈，豈不資以保養？然保養之義，其理萬計，約而言之，其術有三：一、養神；二、惜氣；三、閑。疾忘情去智，恬澹虛無離事，全真內外無寄。如是，則神不內耗，境不外惑，真一不雜，則神自寧矣。此養神也。抱一元之本根，固歸精之真氣，三焦定位，六賊忘形，識界既空，天同斯契，則氣自定矣。惜氣也。飲食適時，溫涼合度，出處無犯於八邪，寤寐不可以勉強，則身自安矣。此閑疾也。三者甚易行，不可以勉強，則身自安矣。此閑疾也。三者甚易行。

然人自以謂難行而不肯行如此，雖有長生之法，人罕專尚，遂至求謝。是以疾病交攻，天和頻失，聖人憫之，故假以保救之術，輔以蠲痾之藥，俾有識無識咸臻壽域。所以國家編撰聖惠校正素問，重定本草，別爲圖經，至于張仲景傷寒論及十金匱，外臺之類，粲然列於書府。今復考拾天下醫生，補以名職分隸，曹屬普救，世人之疾苦，茲蓋全聖至德之君合天地之至仁，接物厚生，大齊天下，故野無遺逸之藥，世無不識之病。然本草二部，其間撰著之人，或執用已私，失於商較，致使學者檢



據之間不得無惑今則併考諸家之說參之實事  
有未盡厥理者衍之以臻其理如東壁土倒流隱  
避不圖者伸之以見其情如水泊菊下過而冰泮  
文簡誤脫者證之以明其義如玉泉石譁避而易  
名者原之以存其名如山藥避宋朝譁使是非歸  
二治療有源檢用之際曉然無惑是以搜求訪緝  
者十有餘年採拾衆善臘療疾苦和合收蓄之功  
率皆周盡矧疾爲聖人所謹無常不可以爲醫豈  
容易言哉宗奭常謂疾病所可憑者醫也醫可據  
者方也方可恃者藥也苟知病之虛實方之可否


若不能達藥性之良毒辨方宜之早晚真僞相亂  
新陳相錯則易于道人陳宿之蠱唐甄立言仕  
醫術有道人心腹蘋煩彌年累歲診日腹有盜謀食  
楚而然令餌雄黃一劑少選此蛇如拇指無目  
瘡之有變生張果駢索之齒唐張果召見元宗謂  
無害者奇壯也時天寒齦以飲果三進猶然日非  
佳酒乃寢頭視齒焦縮傾左右取鐵如意擊壘之  
齒已生粲然駢素帝益神之此書之意於是乎作  
今則編次成書謹依一經類例分門條析仍衍序  
例爲三卷內有名未用及意義已盡者更不編入  
其神農本經名醫別錄唐本先附今附新補新定  
之目錄本經已著目錄內更不聲說依舊作二十

卷及目錄一卷且之曰本草衍義若博愛衛生之士志意或同則更爲詮脩以稱

聖朝好生之德時政和六年丙申歲記

本草之名自黃帝岐伯始其補註總叙言舊說本草經者神農之所作而不經平帝紀元始五年舉天下通知方術本草者所在輶傳遣詔京師此但見本草之名終不能斷自何代而作又樓護傳稱護少誦醫經本草方術數十萬言本草之名蓋見於此是尤不然也世本曰神農嘗百草以和藥齊人然亦不著本草之名皆未臻厥理嘗讀帝王世

紀曰黃帝使岐伯嘗味草木定本草經造醫方以  
瘳衆疾則知本草之名自黃帝岐伯始其淮南子  
之言神農嘗百草之滋味一日七十毒亦無本草  
之說是知此書乃上古聖賢具生知之智故能辨  
天下品物之性味合世人疾病之所宜後之賢智  
之士從而和之者又增廣其品至一千八十二名  
補注本草補一千八百二十一種然一種有二分兩可謂用者有三用者其種字爲名字於義方允  
大備然其間注說不盡或捨理別趣者往往多矣  
是以衍據餘義期於必當非足以發明聖賢之意  
冀有補於闕疑



夫天地既判生萬物者惟五氣爾五氣定位則五味生五味生則千變萬化至於不可窮已故曰生物者氣也成之者味也以寄生則成而耦以耦生則成而奇寒氣堅故其味可用以與熱氣與故其味可用以堅風氣散故其味可用以收燥氣收故其味可用以散土者冲氣之所生冲氣則無所不和故其味可用以緩氣堅則壯故苦可以養氣肺與則和故鹹可以養脉骨叔則強故酸可以養骨筋散則不攣故辛可以養筋肉緩則不壅故甘可以養肉堅之而後可以與收之而後可以散欲緩

則用甘不欲則弗用用之不可太過太過亦病矣古之養生治疾者必先通乎此不通乎此而能已人之疾者蓋寡矣

夫安樂之道在能保養者得之况招來和氣之藥少攻決之藥多不可不察也是知人之生須依保養無犯和氣以資生命纔失將護便致病生苟或慶治班方旋見顛越防患須在閑日故曰安不忘危存不忘亡此聖人之預戒也攝養之道莫若守中守中則無過與不及之害經曰春秋冬夏四時陰陽生病起於過用蓋不適其

性而強云爲逐強颶卽病生五臟受氣蓋有常分  
用之過耗是以病生善養生者旣無過耗之弊又  
能保守真元何患乎外邪所中也故善服藥不若  
善保養金言不善保養不若善服藥此有不善保養又  
不善服藥中庸倉卒病生而歸咎於神天噫是亦未嘗  
思也可不慎歟

夫未聞道者放逸其心迷於生樂以精神徇智巧  
以憂畏徇得失以勞苦徇禮節以身丑徇財利四  
徇不置心爲之疾矣極力勞形躁暴氣逆當風縱  
酒食者辛鹹肝爲之病矣飲食生冷溫涼失度久

坐久卧大飽大饑脾爲之病矣呼叫過常辯爭陪  
答肩犯寒暄恣食鹹苦肺爲之病矣久坐濕地強  
力入水縱慾勞形三田漏溢腎爲之病矣五病旣  
作故未老而羸未羸而病病至則重重則必斃嗚  
呼是皆弗思而自取之也衛生之士須謹此五者  
可致終身無苦經曰不治已病治未病正爲此矣  
夫善養生者養內不善養生者養外養外者實外  
以充快悅澤貪欲恣情爲務殊不知外實則內虛  
也善養內者實內使臟腑安和三焦各守其位飲  
食常適其宜故莊周曰人之可畏者衽席飲食之

間而不知爲之戒者過也若能常如是畏謹疾病  
何緣而起壽考焉得不長賢者造形而悟愚者臨  
病不知誠可畏也

夫柔情難綰而不斷不可不以智慧決也故幃薄  
不可不遠斯言至近易其事至難行蓋人之智慧  
淺陋不能勝其貪欲也故佛書曰諸苦所因貪欲  
爲本若減貪欲何所依止是知貪欲不減苦亦不  
減貪欲滅苦亦滅聖人言近而指遠不可不思不  
可不懼善攝生者不勞神不苦形神形旣安禍福  
何由而致也

夫人之生以氣血爲本人之病未有不先傷其氣  
血者世有童男室女積想在心思慮過當多致勞  
損男則神色先散女則月水先閉何以致然蓋愁  
憂思慮則傷心心傷則血逆端血逆端故神色先  
散而月水先閉也大既受病不能養其子故不  
嗜食脾既虛則金氣虧故發嘔嘔既水氣絕故  
四肢乾木氣不充故多怒鬢髮焦筋痿俟五臟傳  
遍故卒不能死然終死矣此一種於諸勞者最爲  
難治蓋病起於五臟之中無有已期藥力不可及  
也若或自能改易心志用藥扶接如此則可得九

死一生舉此爲例其餘諸勞可按脉與證而治之夫治病有八要八要不審病不能去非病不去無可去之術也故須審辨八要庶不違誤其一曰虛五虛是也麻細皮寒氣少壯利前後二曰實五實是也脾盛皮熱腹脹前後不偏悶脅此五實也三曰冷臟腑受其積冷是也四曰熱臟腑受其積熱是也五曰邪非臟腑正病也六曰正非外邪所中也七曰內病不在外也八曰外病不在內也既先審此八要參之六脉審度所起之源繼以望聞問切加諸病者豈有不可治之疾也夫不可治者有六失失於不審失於不知失於過時失於不擇醫失於不識病失於不知藥失失之中有一於此卽爲難治非止醫家之罪亦病家之罪也矧又醫不慈仁病者猜鄙二不理交馳於病何益由是言之醫者不可不慈仁不慈仁則招禍病者不可猜鄙猜鄙則招禍性賢者洞達物情各就安樂亦治病之說耳

合藥分劑料理法則中言凡方云用桂一尺者削去皮畢重半兩爲正既言廣而不言狹如何便以半兩爲正且桂卽皮也若言削去皮畢卽是全無桂也今定長一尺闊一寸削去皮上麓虛無味者

約爲半兩然終不見當日用桂一尺之本意亦前人之失也

序例藥有酸鹹甘苦辛五味寒熱溫涼四氣今詳之凡稱氣者卽是香臭之氣其寒熱溫涼則是藥之性且如鵝條中云白鵝脂性冷不可言其氣冷也况自有藥性論其四氣則是香臭臊腥故不可以寒熱溫涼配之如蒜阿魏鮑魚汗穀則其氣臭雞魚鵝蛇則其氣腥腎狐狸白馬莖梔近隱處人中白則其氣臊沈檀龍麝則其氣香如此則方可以氣言之其序例中氣字恐後世誤書當改爲性

字則於義方免ノ

今人用巴豆皆去油訖生用茲必爲本經言生溫熟寒故欲避寒而卽溫也不知寒不足避當避其大毒矧本經全無去油之說故陶隱居云熬令黃黑然亦太過矣日華子云炒不如去心膜薑五度換水各煮一沸爲佳其杏仁桃仁葶苈胡麻亦不須熬至黑但慢火炒令赤黃色斯可矣

凡服藥多少雖有所說一物一毒服一丸如細麻之例今更合別論緣人氣有虛實年有老少病有新久藥有多毒少毒更在逐事斟量不可舉此爲

例但古人凡設例者皆是假令<sub>方</sub>可執以爲定法  
本草第一序例言犀角羚羊角鹿角一槩未如粉  
臨服內湯中然今昔藥法中有生磨者煎取汁者  
且如丸藥中用蠟取其能固護藥之氣味勢力全  
備以過關鬲而作效也今若投之蜜相和雖易爲  
丸剝然下咽亦易散化如何得到臟中若其間更  
有毒藥則便與人作病豈徒無益而又害之全非  
用蠟之本意至如桂心於得更有上虛軟甲錯可  
削之也凡此之類亦更加詳究

今人用麻黃皆冷擣諸藥中張仲景方中皆言去  
上沫序例中言先別煮三兩沸掠去其沫更益水

如本數乃內餘藥不爾令人發煩甚得用麻黃之意  
醫家可持此說然云折去節令通理寸判之寸  
判之不若碎判如豆大爲佳藥味易出而無遺力  
也

陶隱居云藥有宣通補洩輕重澁滑燥濕此十種  
今詳之惟寒熱二種何獨見遺如寒可去熱大黃  
朴消之屬是也如熱可去寒附子桂之屬是也今  
特補此二種以盡厥旨

序例中

久之生實陰陽之氣所聚耳。若不能調和陰陽之氣，則害其生。故寶命全形篇論曰：人以天地之氣生，又日天地合氣命之曰人。是以陽化氣，陰成形也。夫遊魂爲變者，陽化氣也；精氣爲物者，陰成形也。陰陽氣合，神在其中矣。故陰陽應象大論曰：天地之動靜，神明爲之綱紀。卽知神明不可以陰陽攝也。易所以言陰陽不測之謂神，蓋爲此矣。故曰：神不可大用，大用卽竭形不可大勞。大勞則弊，是知精氣神入之太本不可不謹。養智者，養其神；惜其氣，以固其本。世有不謹衛生之經者，動皆觸犯。

既以犯養生之禁，須假以外術，保救不可坐以術。覽本草之經，於是興焉。既知保救之理，不可不窮保救之事，術義於是存焉。二者其名雖異，其理僅同。欲使有知無知，盡臻壽域，率至安樂之鄉，適在意者，求其意而可矣。養心之道，未可忽也。六欲七情，千變萬化，出沒不定。共言至簡，其義無窮。而以一心對無窮之事，不亦勞乎？心苟不明，不爲物所病者，未之有也。故明達之士，遂至忘心。心既忘矣，則六欲七情無能爲也。六欲七情無能爲，故內事不生，內事不生，故外患不能入。外患不能入，則本

草之用寔此之獨徇耳。若未能達是意而至是地，則未有不縕六欲七情而起憂患。有憂患既作，則此書一日不可闕也。愚何人哉，必欲斯文絕入之憂患乎？


右隱居以謂凡篩丸散藥畢皆更合於臼中，以杵擣數百過如此。恐乾末渝湯不可擣，不若令勇士合研爲佳。又曰：凡湯酒膏中用諸石皆細擣之，如粟亦可以葛布篩令調勻，並以錦裹內中其雄黃、朱砂、輩細末如粉，今詳之，凡諸石雖是湯酒中亦須稍細藥力方盡出効，亦速但臨服須澄瀉後再

上火不爾恐遺藥力，不見効。湯酒中尚庶幾，若在服食膏中，豈得更如粟也？不合如此，立衡當在臨時應用詳酌爾。又說咬咀兩字，唐本注謂爲商量斟酌非也。嘉祐復符陶隱居說爲細切，亦非也。儒家以謂有含味之意，如人以口齒咀嚼，雖破而不塵，但使含味耳。張仲景方多言咬咀，其義如此。病人有既不洞曉醫藥，復自行臆度如此，則九死下生，或醫人未識其病，或以財勢所迫，占奪強治，如此之輩，醫家病家不可不察也。要在聰明賢達之士掌之，則病無不濟，醫無不功。世間如此之事，

甚多故須下一該舉以隄或然一高通

夫人有貴賤少長病當別論病有新久虛實理當別藥蓋人心如面各各不同惟其心不同臟腑亦異臟腑既異乃以一藥治衆人之病其可得乎故張仲景曰又有土地高下不同物性剛柔食居亦異是故費帝興四方之間岐伯舉四治之能臨病之功宜須兩審然此則依方合藥一煎而用亦以踈矣且如貴豪之家形樂志苦者也衣食足則形樂心慮多則志苦岐伯曰病生於肺形樂則外實志苦則內虛故病生於肺所養既與貧下異憂樂

恩慮不同當各逐其人而治之後世醫者直委此丁節閉絕不行所失甚矣嘗有一醫官暑月與貴人飲貴人曰我昨日飲食所傷今日食減醫曰可爾消化藥他人當服十九公當減其半下嚥未久踈遂不已幾致斃以此較之虛實相遠不可不察故曰病當別論又一男子暑月患血痢醫妄以涼藥逆制專用黃連阿膠木香藥治之此藥始感便瀉故曰理當別藥如是論之誠在醫之通變又須經歷則萬無一失引此爲例餘可效此



凡用藥必須擇州土所宜者則藥力具用之有據  
如上黨人參川蜀當歸齊州半夏華州細辛又如  
東壁土冬月灰半天河水熱湯漿水之類其物至  
微其用至廣蓋亦有理若不推究厥理治病徒費  
其功終亦不能活人聖賢之意不易盡知然捨理  
何求哉

凡人少長老其氣血有盛壯衰三等故岐伯曰少  
火之氣壯壯火之氣衰蓋少火生氣壯火散氣況  
復衰火不可不知也故治法亦當分三等其少日  
服餌之藥於壯老之時習須別飈之決不可忽也

世有不留心於此者往往不信遂致困危哀哉  
今人使理中湯丸倉卒之間多不効者何也是不  
知仲景之意爲必効藥蓋用藥之人有差殊耳如  
治胃痺心中痞堅氣結胸滿脇下逆氣搶心治中  
湯主之人參术乾薑甘草四物等共一十二兩水  
八升煮取三升每服一大升日三服以和爲度或作  
丸須雞子黃大皆奇効今人以一丸如楊梅許服  
之病既不去乃曰藥不神非藥之罪用藥者之罪  
也今引以爲例他可倣此然年高及素體寒人當  
逐宜減甘草

夫高醫以蓄藥爲能蒼卒之間防不可售者所須也若聚寄生桑螵蛸鹿角膠天靈蓋虎膽蟾酥野駢蜜蓬葵等青瓷器石石蟹冬灰蠟雪水松黃之類如此者甚多不能一一遍舉唐元澹字行冲嘗謂狄仁傑曰下之事上譬富家儲積以自資也脯腊腰胰以拱激膚參木芝桂以防疾疢門下充旨味者多矣願以小入備一藥可乎仁傑笑曰公正吾藥籠中物不可一日無也然梁公因事而信獨譬之以藥則有以見天下萬物之中尤不可闕者也知斯道者知斯意而已

凡爲醫者須略通古今粗守仁義絕馳騖能所之心專博施救援之意如此則心識自明神物來相又何必戚戚沾名齷齪求利也如或不然則曷以致畫撫沾譽之慙逋華佗之矜能受戮乎  
嘗讀唐方技傳有云醫要在視脉唯用一物攻之氣純而愈速一藥偶得他藥相制弗能專力此難愈之驗也今詳之病有大小新久虛實豈可止以一藥攻之若初受病小則庶幾若病大多日或虛或實豈得不以他藥佐使如人用硫黃皆知此物太熱然石性緩倉卒之間下咽不易便作効故智

者又以附子乾薑桂之類相佐使以發之將併力攻疾庶幾速效若單用硫黃其可得乎故知許嗣宗之言未可全信賢者當審度之

夫用藥如用刑刑不可誤誤卽干入命用藥亦然一誤卽便關生死然刑有鞫司鞫成然後議定議定然後書罪蓋人命一死不可復生故須如此詳謹全醫入纔到病家便以所見用藥若高醫識病知脉藥又相當如此卽應手作効或庸下之流輩浪亂投湯劑遂致困危如此殺人何大客煩此間此事甚多良由病家不擇醫平日未掌留心

於醫術也可不懼哉

序例下

卷之六  
本草二序例  
六形氣色澤形氣相得謂之可治色澤以浮謂之易色形氣相失謂之難治色失不澤謂之難已又曰診病之道觀人勇怯骨肉皮膚能知其情以爲診法若患人脉病不相應既不得見其形醫人止據脉偶察其可


者又以附子乾薑桂之類相佐使以發之將併力攻疾庶幾速效若單用硫黃其可得乎故知許嗣宗之言未可全信賢者當審度之

夫用藥如用刑刑不可誤誤卽干入命用藥亦然一誤卽便庸生死然刑有鞠司鞠成然後議定議定然後書罪蓋人命一死不可復生故須如此詳謹今醫人纔到病家便以所見用藥若高醫識病知脉藥又相當如此卽應手作効或庸下之流輩浪亂投湯劑遂致困危如此殺人何大害也此間此事甚多良由病家不擇醫平日未掌留心

於醫術也可不懼哉

序例下

治婦人雖有別科然亦有不能盡聖人之法者今豪富之家居奧室之中處帷幔之內復以帛幪手臂既不能行擎色之神又不能彈切脉之巧四者有一闕焉黃帝有言曰凡治病察其形氣色澤形氣相得謂之可治色澤以浮謂之易色形氣相失謂之難治色失不澤謂之難已又曰診病之道觀人勇怯骨肉皮膚能知其情以爲診法若患人脉病不相應既不得見其形醫人止據脉偶察其可



Kitasato Memorial Medical Library

一六 本草序例

金錫  
橘抽  
金鉢  
鞞  
收  
裏乾  
透  
陰  
筋  
本草序例  
漢書ノ鐵之吸立字有之也

得乎如此言之烏能盡其術也此醫家之公患也  
不能革醫者不免盡理質問病家見所問繁還爲  
醫業不精往往得藥不肯服似此甚多扁鵲見齊  
侯之色尚不肯信況其不得見者乎嗚呼可謂難  
也已

又婦人病溫已十二日診之其脉六十七至而濶寸  
稍大尺稍小發寒熱頰赤口乾不了了耳聾間之  
病後數日經水乃行此屬少陽熱入血室也若治  
不對病則必死乃按其證與小柴胡湯服之二日  
又與小柴胡湯加桂枝乾薑湯一日寒熱遂已又

云我臍下急痛又與抵當丸微利臍下痛痊身漸  
涼和脈漸勻尚不了了乃復與小柴胡湯次日云  
我但胃中熱燥口鼻乾又少與調胃承氣湯不得  
利次日又云心下痛又與大陷胃丸半服利三行  
而次日虛煩不寧時妄有所見時復狂言雖知其  
尚有燥屎以其極虛不敢攻之遂與竹葉湯去其  
煩熱其夜大便自通至曉兩次中有燥屎數枚而  
狂言虛煩盡解但咳嗽唾沫此肺虛也若不治恐  
乘虛而成肺痿遂與小柴胡去人參天棗生薑加  
乾薑五味子湯一日數減二日而病悉愈已上皆

用張仲景方

有婦人病吐逆，大小便不通，煩亂，四肢冷，漸無脉。凡一日半與大承氣湯兩劑，至夜半漸得大便通。平脈漸生翼日，乃安。此關格之病極難治。醫者當審謹也。經曰：關則吐逆，格則不得小便。如此亦有不得大便者。

有小兒病虛滑食略化，大便日十餘次，四肢柴瘦。腹太食訛又饑，此疾正是太陽移熱於胃，善食而瘦，又謂之食佞性者。時五六月間，脉洪大，按之則絕。今六脈既單，洪則夏之氣獨然，按之絕則無胃氣。日之間五十作差。

有入病瘧，月餘日，又以寒吐下之氣遂弱，疾未愈。觀其病與脉，乃夏傷暑，秋又傷風，乃與柴胡湯一劑。安後又飲食不節，寒熱復作。此蓋前以傷暑，今以飲食不慎，遂致吐逆，不食，脇下牽急，而痛寒熱，無時。病名瘧瘧，以十棗湯一服，下痰水數升。明日


又與理中散二錢遂愈

有久苦風瘻頭痛顫掉吐逆飲食減醫以為傷冷物遂以藥溫之不愈又以丸藥下之遂厥復與益液丹後譖言吐逆顫掉不省人狂若見鬼循衣摸床手足冷脉伏此胃中有結熱故皆稽不省人以陽氣不能布於外陰氣不持於內節顫掉而厥遂與大承氣湯至一劑乃愈方見仲景後服金鉢丸方見刪繁

有男子年六十一脚腫生瘻忽食猪肉不安醫以藥利之稍愈時出外中風汗出後頭面暴腫起紫

黑色多睡耳輪上有浮泡小瘡黃汁出乃與小續命湯中加羌活一倍服之遂愈

有入年五十內素羸多中寒近服兔絲有効小年常服生硫黃數斤脉左上一部右下一部弦緊有力五七年來病右手足筋急拘攣言語稍遲遂與仲景小續命湯加慧苡仁一兩以治筋急減黃芩人參芍藥各半以避中寒水足仁只用一百五枚後云尚覺大冷因令盡去人參芍藥黃芩三物郤當歸一兩半遂安今人用小續命湯者比比皆是既不能驗證加減遂至危殆人亦不知今小續命



湯此所須也故舉以爲例可不謹哉夫八節之正氣生活人者也八節之虛邪殺人者也非正氣則爲邪非真實則爲虛所謂正氣者春溫夏熱秋涼冬寒此天之氣也若春在經絡夏在肌肉秋在皮膚冬在骨髓此人之氣也在處爲實不在此爲虛故曰若以身之虛逢時之虛邪不正之氣兩虛相感始以皮膚經絡次傳至臟腑逮於骨髓則藥力難及矣如此則醫家治病正宜用藥抵截散補防其深固而不可救也又嘗須保護胃氣舉斯爲例餘可效此

新添本草衍義序例終

重修政和經史證類備用本草卷第二

己酉新  
增衍義

成都唐慎微續證類

敘校勘

序例下

廣雅醫書傳寫遺失輒建醫業擬補遺失卷之二

內

謹按諸藥一種雖主數病而性理亦有偏著立方之日或致疑惑復恐單行經用赴急抄撮不必皆得研究今宜指抄病源所主藥名便可於此更察若欲的尋亦兼易解其甘苦之味可略有毒無毒

易知惟冷熱須明今依本經別錄注於本條之下其有不宜入湯酒宜入湯酒者今亦條於後矣詳唐本以朱點爲熱墨點爲冷無點爲平多有差互今於逐藥之下依本經別錄而注焉

凡墨蓋子下並唐慎微續添

尋萬物之性皆有離合虎嘯風生龍吟雲起磁石引針琥珀拾芥漆得蟹而散麻得漆而湧桂得葱而軟樹得桂而枯戎鹽累卵懶膽分益其氣爽有相關感多如此類其理不可得而思之至於諸藥尤能遍爲利害先聖既明有所說何可不詳而避之時人爲方皆多漏略若舊方已有此病亦應設

除假如兩種相當就其輕重擇而除之傷寒亦散吾常不用藜蘆斷下黃連丸亦去其乾薑而施之無不効何忽強以相憎苟令共事乎相反爲害深於相惡相惡者謂彼雖惡我我無忿心猶如牛黃惡龍骨而龍骨得牛黃更良此有以制伏故也相反者則彼我交儲必不宜合今盡家用雌黃胡粉相近便自黯始粉得黃卽黑黃得粉亦變此蓋相反之證也藥理旣昧所以不効人多輕之今按方處治必恐卒難尋究本草更復抄出其事在此覽略看它易可知驗而本經有直云茱萸門冬者無

以辨之。吳天夢之異咸宜各題其條人有亂誤處。  
譬如海蛤之與鮀甲畏惡正同又有諸芝使署預  
署預復使紫芝計無應如此不知何者是非亦且  
併記當更廣驗正之又神農本經相使正各丁種  
兼以藥對參之乃有兩三於事亦無嫌其有云相  
得共療其病者既非妨避之禁不復疏出

重修改和經史證類備用本草卷第二


經史證類備急本草序

通仕郎行杭州仁和縣尉管句學事史晟撰

昔人有云天地間物無非天地間用信哉其言也  
觀本草所載自玉石草木蟲魚果蓏以至殘衣敗  
革飛鹿聚垢皆有可用以愈疾者而神農舊經止  
於三卷藥數百種而已梁陶隱居因而倍之唐蘇  
恭李勣之徒又從而廣焉其書爲稍備逮及

本朝開寶嘉祐之間

詔儒臣論撰收拾采摭至於前人之所弃與夫有名而未用已用而未載者悉取而著于篇其藥之



多遂至千有餘種疾乎無遺也而世之醫師方家  
下至田叟里嫗猶時有以單方異品効覘奇據而  
前書不載出所未知者類蓋昧一故謹元從心從  
易微因其見聞之所追博采而備載之於本草圖  
經之外又得藥數百種益以諸家方書與夫經子  
傳記佛書道藏凡該明乎物品功用者各附於本  
藥之左其爲書三十有一卷目錄一卷六十餘萬  
言名曰經史證類備急本草察其爲力亦勤矣而  
其書不傳世罕言焉

集賢孫公得其本而善之邦計之暇命官校正寡

上鏤板以廣其傳蓋仁者之用心也夫病未必能  
殺人藥之殺人多矣而世之醫者不復究知根性  
之溫涼功用之緩急委意增減用以治病不幸而  
危殆者時蓋有之茲何異操矛而刺人於班席之  
上哉儻能研思於此因書以究其說卽圖以驗其  
真審方以求其效則不待乎七十毒而後知藥三  
折臂而後知醫矣然則是書之傳其利於世也顧  
不博哉謹徵姓唐不知爲何許人傳其書者失其  
邑里族氏故不及載云

大觀六年十月朔





通佐郎行杭州仁和縣尉管句學事支殿序

山川勢力大治交道

不外海邊端越古不後餘日得人難其苦皆失其  
誠實而營政舊矣然頃與善文者與其休其母子兩  
其眷以久其嫌限不精于子平樂而外於其  
上使制引海風大波因害火寒其焰照天又謂其  
焰焰若神盡育之亦可與無害而據人保道害之  
則恐故用之無能者當其時也其時也其時也其  
時也其時也其時也其時也其時也其時也其時也

元和六年歲舍庚申季冬吉辰





Kitasato Memorial Medical Library